

اعتصام

٢٩ ذی الحجہ سنہ ١٣٣٧

٢٥ اپریل سنہ ١٣٣٥

{ منافع عامہ خادمہ مجموعہ اسلامیہ در }

احمد شیرانی

دارالفون و مدرسہ لری

علا الدین روحی

حیرت و تقدیس لرم

آناطولی احوالہ دائر ارشادات خلافتیناھی

ولی عہد عبدالحمید افندی حضرت تارینک قادینلق حقندہ بیاناتی

طاهر المولوی

جاہلیت دورندہ قومیت دعواسی

شمس

ملکتم ایچون دوشونڈکرم

فیضانی (٥) غروشدہ

فالج - اعتصام



١٣٣٤

یارب ! ... ای لطیف بیلدیزلرک خالق یکتای ! .. سنک ذات و اوصافک
فصل اینانیه بیکه و مثبت منفیک ایجریسنده دائمی بر محاذله کثرت حالده بولنان
وجودم ، بو قوای متضاده آره سنده ینه عمومی بر اثبات ، عمومی بر برلک عرض
ایتمکدن بر آن بیله خالی دکلدر .

ایشندیکنه فصل اینانیه بیکه ، روحک ، بو آتشمکی اینلیری سندن بشقه کیمسه
ایشنبور ، بر سسک ، بر صدانک عکس عمل اولماسی متصورمیدر ؟ شو حالده
بو پر الم قلبمک صریر سوداسی سندن بشقه کیم ایجیدیور ؟ .. چونکه ؛ سندن
بشقه بر موجودیت کورونمیور ...

علمنه ، وقوفنه فصل اینانیه بیکه ؛ بو ، آنلرمده کی معلوملری ، سر اثر روحیه می
سندن بشقه ، سنک کتوم و بیوک وجودندن بشقه کیمسه نک بیلمسنه راضی دکلر ..
بر معلومک عالمی اولماق ممکن دکلدر . او حالده اولنک عالمی سنسک ! چونکه ؛
بو دقیقه سندن بشقه بر موجودیت کورمیورم .. کوردیکنه فصل اینانیه بیکه ؛ بو
پریشان قلبی ، بکا بو آنلرده قدسیله فسخ و القا ایدن ، اولش امللری احبا ایدن ،
دماغمک ملالای و المی حاسنی بیلن ، بوکا واقف اولان ، بو دردلر مه مرهمساز
اوله جق شفقلی ، مرحمتی بر وجوده احتیاج وار ، بو احتیاجی بکا ، بتون
موجودیتیم حس ایشیریور . بو وجودده سنسک ! چونکه ؛ سندن بشقه بتون
کائنات اویقوده ، دماغلرینک المری ایجریسنده قیوانمقده درلر .

بندن سکا عظمتک قدر قدیسلر ... قدرنک قدر تعظیملر ای سحر املکونک خالق
معظم و فالق اکبری ! چورلو : علاالدین روحی

آناطولی احوالنه دأر ارشادات خلافتپاهی

بو کونلر ده آناتولی ده سرزده ظهور اولان احوال و حرکاتک صفحاتی عمللرندن
ورود ایدن تلغرفنامه لردن واصل سمع اطلاعز اولمشدر . بو حال اسف اشتال
از میر اشغالی ایله ، آنی تعقیب ایدن وقایع فجیه بیکه و آناتولی ولایات شرقیه می

مقدراتی حقنده اشاعه ایدیلان روایاتك افكار اهالی ده حاصل ایلدیکی تأثیرات نتیجه سی اولوب وقوعات و شایعات مذکوره دن باطله افراد اهالیزله برابر قلبه زده حصوله کان تأثرات بك همیق و حقوق دولت و ملتك صیاتی امرنده صرف ماحصل غیرت ایتك جمله من ایچون بك طبیی ایهده شوآن مهمده حکومت و ملتیه ترب ایدن وظیفه تشبثات معقوله سیاسیه و اتحاد آرای عمومیه ایله محافظه حقوقه چالشمقدن عبارتدر . حکومتك تعقیب ایتدیکی سیاست نتیجه سنده از میر نجاتی ، اوروپا دول و ملل متمدنه سنك نظر دقت و مودتی جلب ایله محله برهیت مخصوصه اعزام و بی طرفانه تحقیقاته ایتدار اولنه رق انتظار مدیتده حقمر نظاهر ایتكده بولوندی و آناطولی ولایات شرقیه سنده اتر اولان روایات و شایعاته قارشو حکومتجه هر درلو تشبثادن خالی قالدیوب ذاتاً وحدت ملیه منی اخلال ایده جك هیچ بر قرار و تکلیف اولمدنی حالد داخل مملکده آسایش و انضباطی سکتهدار و نفوذ حکومتی خللدار ایلجه جك هر کونه حرکات و افراد ملت پشنده تفرقه و شقاقی مؤدی اوله جق هر درلو تشبثات دولتک منافع اساسیه و حیاتیه سیله قابل تألیف دکدر . بعض کیمسلر طرفندن مملکتک وضعیت حقیقیه سی تبدیل و کویا اهالی ایله حکومت آراسته مخالفت وجودی اعلان ایدیلهرک حقه زده اوروپا افکار عمومیه سنك تغلیط قانمسی منافع عالیه مملکتی کلیاً رخنه دار ایده بیله جکی کی بالوجوه شایان تأسف اولان بوحال شرائط قانونیه دائره سنده بر آن اول اجرایی آرزو ایلدیکمز انتخاباتی ده دوچار تاخر ایدهرک صلحک تقرب ایتکده بولوندی بر صروده وجودی لابد اولان هیئت مبعوثانك اجتماعی تمویق و بو یوزدن حکومتك مشکلاتی تزید ایلجه جکدر .

بوکون عموم افراد ملتدن انتظارم ، حال و موقعک تراکتی بالنقدیر محافظه سکون و اعتدال و احکام قوانینه و اوامر حکومتیه تمامی اتباع ایله مملکتک انتظام و آسایشی محل حرکاتدن اجتناب ایلک و بو صورتله قریباً صلح مذاکره سنده دعوت اولنه جق عثمانی مرخصلری قونفرانسی مواجهه سنده ملتیه هم آهک اوله رق اثبات موجودیت ایده بیلمکدر .

آئی بحق عصر دہری آوروپا موازنہ سندہ برطانیہ اولان دولتمزك وحدت
وتماہمتی وملت عثمانیہ نك وقع وحیثیتہ تأمین ایدہ جك بر صلحہ قریباً فائلیتمزی
الطاف سبحانیہ دن امید ایتمکدهم ، دول معظمتك حسیات اصفکارانہ لری وحقیقتہ
کتدکجه نفوذ ایتمکده اولان آوروپا و آمریکا افکار عمومہ سنك اعتدال پرورلکی ده
بو امیدیمی توثیق ایله مکده دز .

حکومتك هر دورلو مشكلات داخلہ دن مصون قاله رق تقویہ می ومالککوزك
هر طرفندہ احکام قوانینہ حرفیاً ربطلہ صـنوف تبعہ سنك محفوظیت حقوقی اخص
آمالز اولوب ہیئت حکومتك ده بوبایدہ کی آمال هایونمزی تمامیلہ رهبر حرکت
ایدہ جکنہ امینم .

افکار و اعمال خالصانه سنك مالککوزك هر جهتہ نشر و تعمیلہ صداقت
وحیثیتندن مطمئن اولدیغم بالجله افراد ملتكم سمع اطلاعنہ ایصالی اراده ایدرم .

۲۴ ذی الحجہ ۱۳۲۷ و ۲۰ الجول ۱۳۲۵

محمد وحیدالدین

ولی عهد عبدالمجید افندی حضر قلیزینک قادینلق حقنדה (انجی) مجموعہ می محررینہ بیانات مفیدہ لری

— تورک قادینلری حقنדה افندیمن نہ دوشونویورلر ؟

— وطنداشلریمك قسم ظریفندن بحث ایتمك ایچون لسانمك اك آهنگدار
کله لریجی ادبیاتمك اك رقیق صنایعلہ تزیین ایتم لازمدر . تورک واسلام قادینلری ،
تعمللری وشفقتلریلہ ، صاف اعتقادلری وایجه لکریلہ ، ترقی پرورلکریلہ معروفدر .
بو خصائلری ، صانیم ، تورک ایلمك اك اجرا کوشه سنده عزلت کزین ویایای تخنك
اك معنا قوناغنده حرم نشین بر قادین دده ، عینی حالده بولورسکز . بوقیمتلی
خصائلر ، تحصیل ایله تحیه ایدیلہ لیدر . بجه قادینلر ایله ارككلكرك تحصیل آراسنده